

כל אשר תאמרי אעשה לך כי יודע כל שער עמי כי אשת חיל		
את: ועתה כי אמנם כי אם גאל אנכי וגם יש גאל קרוב ממני:	12	אם לא קרי
ליני הלילה והיה בבקר אם יגאלך טוב יגאל ואם לא יחפץ	13	
לגאלך וגאלתיך אנכי חי יהוה שכבי עד הבקר: ותשב מרגלתו	14	מרגלותיו
עד הבקר ותקם בטרם יכיר איש את רעהו ויאמר אל יודע כי		בטרם
באה האשה הגרן: ויאמר הכי המטפחת אשר עליך ואחזיבה	15	
ותאחזי בה וימד שש שערים וישת עליה ויבא העיר: ותבוא אל	16	
חמותה ותאמר מי את בתי ותגדלה את כל אשר עשה לה		
האיש: ותאמר שש השערים האלה נתן לי כי אמר אל	17	אלי
תבואי ריקם אל חמותך: ותאמר שבי בתי עד אשר תדעין איך	18	
יפל דבר כי לא ישקט האיש כי אם כלה הדבר היום: ובעז עליה	14	
השער וישב שם והנה הגאל עבר אשר דבר בעז ויאמר סודה		
שבה פה פלני אלמני ויסר וישב: ויקח עשרה אנשים מזקני העיר	2	
ויאמר שבו פה וישבו: ויאמר לגאל חלקת השדה אשר לאחינו	3	
לאלימלך מכרה נעמי השבה משדה מואב: ואני אמרתי אגלה	4	
אזנך לאמר קנה נגד הישבים ונגד זקני עמי אם תגאל גאל ואם		
לא יגאל הגידה לי ואדע כי אין זולתך לגאול ואנכי אחריך		ואדעה
ויאמר אנכי אגאל: ויאמר בעז ביום קנותך השדה מיד נעמי	5	
ומאת רות המואביה אשת המת קניתי להקים שם המת על		קניתה